



PERKONGSIAN ILMU: Meningkatkan Profesionalisme

Sesi Perkongsian Ilmu ini adalah salah satu program yang dijalankan oleh PKMA dari masa ke semasa untuk dijadikan sebagai medium perantaraan bagi berkongsi, berbincang dan mendedahkan segala maklumat dan ilmu pengetahuan yang telah diperolehi semasa menghadiri sebarang kursus, bengkel, seminar, lawatan, ceramah dan sebagainya kepada semua warga PKMA yang berminat.

Pada 24 April 2011, satu sesi telah dikendalikan untuk berkongsi maklumat, pengetahuan dan pengalaman telah diadakan. Diantara tajuk-tajuk yang telah dibentangkan semasa perkongsian tersebut adalah seperti di berikut:

Bil	Tajuk	Penceramah
1.	<i>Positives Stress Management</i>	Puan Zainun Mat Nor
2.	Perkhidmatan Kaunter dan Pelanggan Yang Berkualiti	Encik Macfarlane G.J Dibuvad/ Encik Zaiden Sanyut
3.	Lawatan Sambil Belajar Ke Perpustakaan Li Ka Shing, Singapore Management University (SMU)	Puan Korina Ibrahim
4.	<i>UKM : NIU Digitization Workshop</i>	Puan Karen Kornalius
5.	<i>Community On Practice (COP)</i>	Encik Wan Abdul Rahman Wan Bujang/ Puan Norazlina Abd Rahman
6.	Lawatan Penandaarasan Pustakawan PKMA ke Perpustakaan Akademik di Hong Kong	Puan Hajah Siti Sumaizan Ramli
7.	<i>Bibliometrics, Analysis, Transforming Research, Accelerating Science</i>	Puan Hajah Siti Sumaizan Ramli
8.	<i>Citation and Reference</i>	Cik Huzaimah Abd Rani
9.	Seminar Kebangsaan Sumber Elektronik di Malaysia 2010	Puan Korina Ibrahim

Penghargaan & Selamat Maju Jaya

• HJH SITI SUMAIZAN RAMLI

**Kenali Staf
PKMA**



Hjh Siti Sumaizan Ramli telah dilahirkan di Negeri Cik Siti Wan Kembang pada tahun 1962. Anak kelahiran Kelantan ini adalah pemegang ijazah Sarjana Muda dengan Kepujian dalam bidang Mikrobiologi dari Universiti

Kebangsaan Malaysia (UKM) pada tahun 1986 sebelum melanjutkan pelajaran dalam Sains Perpustakaan di Peringkat *Post Grad Diploma* di Institut Teknologi MARA (sekarang UiTM) pada tahun 1988. Ibu kepada empat orang anak perempuan ini adalah di antara staf perintis UNIMAS dan telah melapor diri pada September 1993. Sebelum berpindah ke UNIMAS, beliau pernah berkhidmat di Universiti Putra Malaysia (UPM) selama 4 tahun iaitu dari November 1989 - Ogos 1993.

Di PKMA, beliau telah mengetuai dan mengurus Bahagian Teknikal/Katalog selama lebih 10 tahun disamping tugas sebagai Pustakawan Rujukan. Beliau juga terlibat secara langsung dalam perolehan, latihan dan implementasi sistem perpustakaan *VTLS* (1994-2004) dan *Millennium* (2005-).

Pada awal tahun 2008, beliau telah dinaikkan pangkat ke jawatan Timbalan Ketua

Pustakawan S48 dan mengetuai Bahagian Pengurusan dan Perkhidmatan Maklumat yang kemudiannya dikenali sebagai Bahagian Perkhidmatan (BP). Beliau bertanggungjawab memantau, mengurus dan mengendalikan unit-unit di bawah BP iaitu Perkhidmatan Pelanggan, Rujukan dan Perkhidmatan Maklumat, Sokongan Penyelidikan dan Pengembangan, Repositori Institusi dan juga Perpustakaan Cawangan iaitu Perpustakaan Perubatan dan Pengajian Pra-Universiti. Beliau juga membantu Ketua Pustakawan dalam proses perancangan dan membuat keputusan bagi perkhidmatan dan kemudahan perpustakaan untuk pengguna.

Sepanjang perkhidmatan beliau di PKMA khususnya dan UNIMAS amnya, beliau telah banyak melibatkan diri dalam program Universiti dan komuniti khususnya dalam bidang pengurusan ilmu dan maklumat dan telah menghadiri berbagai persidangan, seminar dan bengkel di dalam dan luar negara. Beliau juga terlibat secara aktif dalam Persatuan Pustakawan Malaysia Kumpulan Sarawak dan menjadi Pengerusi bagi *Sarawak Committee on Information Literacy Skills (SCILS)*. Dalam bidang penerbitan, beliau pernah menjadi pengarang bersama dan pembentang kertas kerja pada persidangan *ICOLIS 2008* di Petaling Jaya, Selangor. Beliau juga telah membentang kertas kerja pada persidangan *ICOL 2009* yang diadakan di Pulau Pinang dan menjadi

pengarang bersama untuk kertas kerja Seminar Kebangsaan Perpustakaan Akademik atau SKPA 2011 di Kota Bharu, Kelantan. Pada tahun 2010, beliau telah dilantik menjadi Ketua Editor bagi buletin PKMA iaitu *mycais@unimas* yang diterbitkan pada Jun dan Disember 2010.

Pada 1 Julai 2011, Hjh Siti Sumaizan telah ditawarkan untuk berkhidmat di Perpustakaan Tuanku Bainun, Universiti Perguruan Sultan Idris (UPSI). Atas faktor persaraan suami, beliau telah menerima tawaran tersebut walaupun berat hati untuk meninggalkan Bumi Kenyalang.

Sebagai salah seorang Pustakawan perintis, isteri kepada Prof Dr. Mohd Azib Salleh, mantan TNC Akademik dan Antarabangsa ini, telah banyak memberi sumbangan dalam pembangunan sumber ilmiah di PKMA. Khidmat beliau selama hampir 18 belas tahun bersama UNIMAS telah banyak membantu PKMA menjadi sebuah pusat yang cemerlang. Justeru, warga PKMA khususnya dan UNIMAS amnya, merakamkan ucapan setinggi-tinggi terima kasih dan mendoakan "Selamat Maju Jaya" kepada beliau. Walaupun Hjh Siti Sumaizan tidak lagi bersama PKMA, namun JASA MU TETAP DIKENANG.

